



Broj:03,03/11-05-1-315/15
Sarajevo,30.10.2015. godine

**KOLEGIJ DOMA NARODA PS BIH
KOLEGIJ PREDSTAVNIČKOG DOMA PS BIH**

**IZVJEŠTAJ O
UČEŠĆU ČLANOVA KOLEGIJA PS BIH NA MEĐUNARODNOM
PARLAMENTARNOM FORUMU O DEZERTIFIKACIJI, EROZIJI I
KLIMATSKIH PROMJENA
ANKARA , 20-21.10.2015. GODINE**

G. Šefik Džaferović, zamjenik predsjedavajuće Predstavničkog doma i g. Safet Softić, zamjenik predsjedavajućeg Doma naroda Parlamentarne skupštine Bosne i Hercegovine , na poziv g. Ismeta Yilmaza, predsjednika Velike narodne skupštine Republike Turske učestvovali su u radu 11. Parlamentarnog foruma - okruglog stola o borbi protiv dezertifikacije, erozija i klimatskih promjena koji se, u okviru 12. Konferencije ugovornih strana Konvencije UN-a za borbu protiv dezertifikacije (UNCCD COP 12) održavao u Ankari 20-21.10.2015. godine.

Konferenciju je otvorio g. Tayip Redžep Erdogan, predsjednik Republike Turske koji se, u pozdravnom govoru učesnicima iz više od pedeset zemalja zahvalio na prisustvu i izraženoj spremnosti da se zajedničkim naporima odupremo nadolazećem i evidentnom uticaju klimatskih promjena u svijetu.

Delegacija PS BiH aktivno je uzela učešće na Okruglom stolu parlamentaraca, koji su kroz dijalog i razmjenu mišljenja i iskustava sa predstavnicima zemalja Evrope, Afrike, Azije, Latinske Amerike naglasili značaj zakonodavaca u nastojanjima da se zakonskim okvirima, regulativama i uz sinhronizovanu pomoć i podršku UN-a kroz angažman UNCCD, Konvencije Ujedinjenih nacija pristupi borbi protiv dezertifikacije. U vezi s tim, Parlamentarci su jednoglasno zaključili da dezertifikacija i dalja destrukcija zemljišta zahtijevaju veću političku angažovanost te stalnu koordinaciju između parlamenata radi efikasnijeg pristupa.

Učesnici Konferencije su izrazili očekivanja da će se aktivnosti na ovom planu nastaviti uanpređivati i dograđivati i na predstojećoj Konferenciji parlamentaraca koja se, pod okriljem Interparlamentarnog foruma održava u prvoj polovini decembra mjeseca u Parizu. Pozvane su sve zemlje čiji su predstavnici sudjelovali na 11.parlamentarnom forumu parlamentaraca u Ankari, imenuju i pošalju delegacije radi nastavka sveobuhvatnog dijaloga o zaštiti, obnovi i promoviranju zemaljskog eko sistema, održivom upravljanju šumama, borbi protiv dezertifikacije i uništavanju zemljišta i suše te o zaustavljanju gubitka biološke raznovrsnosti .

G. Šefik Džaferović se, u ime Parlamentarne skupštine Bosne i Hercegovine , obratio učesnicima Okruglog stola parlamentaraca prigodnim govorom.

U okviru ove Konferencije, upriličena je posjeta Parlamentu Republike Turske .

Deklaracija članova parlamenata jednoglasno je usvojena na završnoj sesiji 21.10.2015. godine.

Zapisnik odobrili:

g. Safet Softić, zamjenik predsjedavajućeg DN PS BiH

g. Šefik Džaferović, zamjenik predsjedavajuće PD PS BiH

Zapisnik sačinila:

Mirsada Bukarić-Kovačević

Rukovodilac Sektoara za međunarodne odnose i protokol

Dostaviti:

- Naslovu
- Sektoru za međunarodne odnose i protokol
- a/a